

humani: apud que  
no est transmutatio:  
per inoffensionis  
obsequio. **D. d. a.**  
uiscerū discipuli **ad d. i.**  
Dante dōm q̄ misit mē  
q̄siter locutis s̄i uobis tū  
tūa implent cor d̄m illū.

**Q**uoniam in  
no per d̄m  
n̄m Jesū Christū:  
per que n̄c r̄m  
om̄a accepimus:  
ubi autē habuimus  
delictū: superhabuimus  
Dante gesta.

**Quia**  
**in d̄m**


Thuris

an. 3 VI

Lise. Aug. 00

engl. Ch. 2272

Jub.



M. T. CICE-  
RONIS ORA-  
TIONVM PHILIP-  
PICARVM QVARTA,  
Sexta, Septima &  
Nona.



VVITEBERGÆ  
*Excudebat Clemens Schleich.*  

---

*M. D. LXXXVIII.*

*[Faint, illegible text, likely bleed-through from the reverse side of the page]*



**IN M. ANTONI  
VM PHILIPPICA  
QVARTA.**

**R**equentia vestrum incredibili, concioq; Quirites tanta, quam tam meminisse non videor: & alacritatem mihi summam affert Reip. defendendae, & spem recuperandae libertatis. quanquam animus mihi nunquam defuit: tempora defuerunt, quae simul ac primum aliquid lucis ostendere visa sunt: princeps vestrae libertatis defendendae semper fui. quod si ante facere conatus essem: nunc facere non possem. hodierno enim die Quirites. ne mediocrem rem actam arbitraremini: fundamenta sunt iacta reliquarum actionum. nam est hostis à Senatu nondum verbo appellatus. sed re iam iudicatus Antonius. Nunc vero multo sum erectior: quod vos quoq; hostem illum esse tanto consensu, tantoq; clamore approbauistis, nec enim fieri potest: ut non aut ij sint impij, qui contra Consulem exercitum comparauerunt: aut ille hostis, contra quem iure arma sumta sunt. Hanc igitur dubitationem, quanquam nulla erat: tamen ne qua posset esse:

A 2            esse:

P H I L I P P I C A

De? Senatus hodierno die sustulit. C. Caesar, qui Rempublicam, libertatemq, vestram suo studio, consilio, patrimonio deniq, tutatus est, & tutatur; maximis Senatus laudibus ornatus est, Laudo, laudo vos Quirites: cum gratissimis animis prosequimini nomen clarissimi adolescentis, vel pueri potius, sunt enim facta eius immortalitatis, non ætatis. multa memini: multa audiui: multa legi: nihil ex omnium seculorum memoria tale cognoui: qui cum seruitute premeremur, & indies malum cresceret. præsidij nihil haberemus capitalem, & pestiferum Brundusio M. Antonij reditum timereamus: hoc insperatum omnibus consilium, incognitum certe cæpit, ut exercitum inuictum ex Hispanis militibus conduceret: Antonijq, furorẽ crudelissimis consilijs incitatum à perniciẽ Reip. auerteret. quis est enim, qui hoc non intelligat? nisi Caesar exercitum parauisset: non sine exitio vostro futurum Antonij reditum fuisse? Ita enim se recipiebat ardens odio vestri, cruentus sanguine ciuium Romanorum, quos Sueffæ. quos Brundusij occiderat: ut nihil nisi de Reipub. perniciẽ cogitaret. Quod autem erat præsidium salutis, libertatiq, vestræ? si C. Caesaris fortissimorum suiq, patris militum exercitus non fuisset? cuius de laudibus & honoribus,

Q V A R T A.

ribus, qui ei pro diuinis & immortalibus meri-  
 tis diuini immortalesq; debentur: mihi Senatus  
 assensus paulo ante decreuit, vt primo quoq;  
 tempore referetur. quo decreto quis non pro-  
 spicit Antonium hostem esse iudicatum? quem  
 enim appellare possumus eum: contra quem qui  
 exercitus ducunt: ijs Senatus arbitratur singu-  
 lares exquirendos honores? quid legio Martia?  
 quae mihi videtur diuinitus ab eo deo traxisse  
 nomen: à quo populum Rom. generatum acce-  
 pimus: nonne ipsa suis decretis prius, quàm Se-  
 natus, hostem iudicauit Antonium? nam ille  
 si non hostis: qui Consulem reliquerunt, hostes  
 necesse est iudicemus. praecleara & luculenta  
 declamatione vestra factum pulcherrimum  
 Martialium comprobauistis: qui ad Senatus  
 auctoritatem, ad libertatem vestram, ad vni-  
 uersam Remp. contulerunt: hostem illum, &  
 latronem, & parricidam patriae reliquerunt.  
 nec solum id animose, & fortiter, sed conside-  
 ratè etiam sapienterq; fecerunt. Albæ con-  
 stiterunt in vrbe opportuna, munita propinqua,  
 fortissimorum virorum, fidelissimorum ciui-  
 um, atq; optimorum. Huius Martiae legionis  
 legio Quarta imitata virtutem, duce L. Egna-  
 tuleio, quem Senatus merito paulo ante lauda-  
 uit: C. Caesaris exercitum profecuta est. quae

A 3

expe:

PHILIPPICA

*expellas M. Antoni iudicia grauiora? Caesar fertur in caelum: qui contra te exercitum comparauit: laudantur exquisitissimis verbis legiones, quae te reliquerunt: quae a te accersitae sunt: quae tuae essent: si te consulem, quam hostem maluisses: quarum legionum fortissimum, verissimumq; iudicium confirmat Senatus: comprobat vniuersus populus Romanus: nisi forte vos Quirites consulem, non hostem iudicatis Antonium? sic arbitrabar vos iudicare ut ostenditis, municipia, colonias praefecturas, num aliter iudicare censetis? omnes mortales vna mente consentiunt: omnia arma eorum, qui haec salua velint: contra illam pestem esse capienda. quid D. Bruti iudicium Quirites quod ex hodierno eius edicto perspicere potuistis: num cui tandem contemnendum videtur? recte & vere negastis Quirites: est enim quasi deorum immortalium beneficio & munere datum Reip. Brutorum genus, & nomen ad libertatem populi Rom. vel constituendam, vel recuperandam. quid igitur D. Brutus de M. Antonio iudicauit? exclusit prouincia: exercitu obstitit: Galliam totam hortatur ad bellum, ipsam sua sponte suoq; iudicio excitatam. Si Consul Antonius: Brutus hostis. si conseruator Reip. Brutus: hostis Antonium.*

num



Q V A R T A

num igitur utrum horum sit, dubitare possimus? At qui ut vos una mente unaque voce dubitare vos negatis: sic modo decrevit Senatus, D. Brutum optimè de Rep. mereri, cum Senatus auctoritatem populiq; Rom. libertatem, imperiumq; defenderit, à quo defenderit? nempe ab hoste. quæ est enim alia laudanda defensio? deinceps laudatur provincia Gallia: meritoq; ornatur verbis amplissimis à Senatu: quod resistat Antonio, quem si Consulem illa provincia putaret, neq; eum reciperet: magno scelere se astringeret. omnis enim sub Consulis iure, & imperio debent esse provinciæ negat hoc D. Brutus Imperator Consul designatus, natus Reip. civis: negat Gallia: negat cuncta Italia: negat Senatus: negatis vos. quis igitur illū Consulem nisi latrones putant? quanquam ne ij quidem ipsi quod loquuntur, id sentiunt: nec à iudicio omnium mortalium, quamvis impij, nefariiq; sint, sicut sunt: dissentire possunt. sed spes rapiendi, atq; prædandi occæcat animos eorum: quos non bonorum donatio non agrorum assignatio, non illa infinita Pompei hasta faciauit: qui sibi urbem, qui bona, & fortunas civium ad prædam proposuerunt: qui dum sit quod rapiant, quod auferant: nihil sibi defuturum arbitrantur. quibus M. Antonius (ò dij immortales

PHILIPPICA

auertite, & detestamini quæso hoc omen) vrbe  
 se diuisurum esse promisit. ita vero Quirites  
 vt precamini veniat: quo huius amentiae pœ-  
 na, in ipsum familiamq; eius recidat. quod ita  
 futurum esse confido. iam enim non solum homi-  
 nes, sed etiam deos immortales ad Rempub. con-  
 seruandam arbitror consensisse. Si enim prodi-  
 gijs, atq; portentis dij immortales nobis futura  
 prædicunt, ita sunt aperte denunciata: vt & il-  
 li pœna, & libertas nobis appropinquet. si enim  
 tantus consensus omnium, sine impulsu deorum  
 esse non potuit: quid est, quod de voluntate  
 coelestium dubitare possimus? Reliquum est  
 Quirites: vt vos in ista sententia, quam præ vo-  
 bis fertis, perseueretis. Faciam igitur vt Im-  
 peratores instructa acie solent: quanquam para-  
 tissimos milites ad præliandum videant: vt  
 eos tamen adhortentur. sic ego vos ardentis, &  
 erectos ad libertatem recuperandam adhorta-  
 bor. Non est, non est vobis Quirites cum eo  
 hoste certamen: quo cum aliqua pacis conditio  
 esse possit. neq; enim ille seruitutem vestram, vt  
 antea, sed iam iratus sanguinem concupiscit,  
 nullus ei ludus videtur esse incundior, quam  
 cruor, quam cædes, quam ante oculos trucidatio  
 ciuium, non est vobis Quirites res cum scelere-  
 to homine, atq; nefario, sed cum immani tetraq;  
 belua.

Q V A R T A .

belua. quæ quoniam in foueam incidit, obruat  
 tur. si enim ilinc emerferit: nullius supplicij  
 crudelitas erit recusanda. sed tenetur, premi-  
 tur, vrgetur, nunc ijs copijs, quas iam habeo-  
 mus: mox ijs, quas paucis diebus noui Consules  
 comparabunt, incumbite in causam Quirites vt  
 facitis, nunquam inter Senatum & vos consen-  
 sus maior in vlla causa fuit: nunquã tam vehe-  
 menter cum Senatu consociati fuistis. nec mirũ.  
 agitur enim non qua conditione victuri: sed vi-  
 cturi ne simus: an cum supplicio ignominiaq; pe-  
 rituri, quanquam mortem quidem omnibus na-  
 tura proposuit. crudelitatem mortis, et dedecus,  
 virtus propulsare solet. quæ propria est Romani  
 generis, & seminis. hanc retinete quæso Quiri-  
 tes: quam vobis tanquam hæreditatem maio-  
 res vestri reliquerunt. quanquam omnia alia  
 falsa, incerta sunt, caduca, mobilia. virtus est v-  
 na altissimis defixa radicibus: quæ nunquam  
 vlla vi labefactari potest: nunquam dimoueri  
 loco. hac maiores nostri primum vniuersam  
 Italiam, deuicerunt: deinde Carthaginem exci-  
 derunt: Numantiam euerterunt: potentissi-  
 mos reges bellicosissimas gentes, in deditionem  
 huius imperij redegerunt. Ac maioribus qui-  
 dem vestris Quirites cum eo hoste res erat: qui  
 haberet Remp. curiam, ararium, consensum &



PHILIPPICA

concordiam civium, rationem aliquam, si res ita  
tulisset, pacis & foederis. hic vester hostis ves-  
tram Remp. oppugnat: ipse habet nullam: Se-  
natum id est orbis terræ consilium delere gestit:  
ipse consilium publicum nullum habet: ærarium  
vestrum exhaustit: suum non habet. nam concor-  
diam civium qui habere potest, nullam qui ha-  
beat civitatem? pacis vero quæ potest cum eo  
esse ratio? in quo est incredibilis crudelitas? fi-  
des nulla? Est igitur Quirit. pop. Rom. victori  
omnium gentium, omne certamen cum excurso-  
re, cum latrone, cum Spartaco nam quod se simi-  
lem Catilinæ esse gloriari solet, scelere par est:  
belli industria inferior. ille cum exercitum nul-  
lum haberet: repente conflavit. hic eum ipsum  
exercitum, quem accepit, amisit, ut igitur Ca-  
tilinam diligentia mea, Senatus auctoritate,  
vestro studio, & virtute fregistis: sic Antonij  
nefarium latrocinium vestra cum Senatu con-  
cordia tanta, quanta nunquam fuit, felicitate,  
& virtute exercituum ducumq; vestrorum, bre-  
vi tempore oppressum audietis. Equidem quan-  
tum cura, labore, vigilijs, auctoritate, consilio,  
eniti atq; efficere potero: nihil prætermittam  
quod ad libertatem vestram pertinere arbitra-  
bor, neq; enim id pro vestris in me amplissimis  
beneficijs sine scelere facere possum. hodierno  
autem

S E X T A .

autem die primum referente viro fortissimo,  
vobisq; amicissimo M. hoc Serulio, Collegisq;  
eius ornatissimis viris, optimis ciuibus, longo  
interuallo me authore, & principe ad spem li-  
bertatis exarsimus.

IN M. ANTONI-  
VM AD QVIRITES  
PHILIPPICA  
S E X T A .



Vdita vobis esse arbitror Quir.  
quæ sint acta in Senatu: quæ fue-  
rit cuiusq; sententia. res enim ex  
Cal. Ian. agitata, paulo ante con-  
fecta est, minus quidem illa seue-  
re quam decuit: non tamen omnino dissolute.  
mora est allata bello non causa sublata. Quam-  
obrem quod quæsiuit à me P. Apulcius homo  
& multis officijs mihi, & summa familiarita-  
te coniunctus, & vobis amicissimus: ita re-  
spondebo, vt ea, quibus non interfuis-  
tis, nosse possitis. Causa fortissimis optimisq;  
Consulibus Calendis Ian. de Rep. primum referendi fuit,  
ex eo, quod XIII. Cal. Ian. Senatus me autho-  
re decreuit. Eo die primum. Quæ res, funda-  
menta

PHILIPPICA

*menta iacta sunt Reipublicæ. fuit enim longo  
 intervallo ita liber Senatus: ut vos aliquando  
 liberi essetis. quo quidem tempore, etiam si ille  
 dies vitæ finem mihi allaturus esset: satis ma-  
 gnum ceperam fructum: cum vos vniuersi vna  
 mente aq; voce iterum à me conseruatam esse  
 Rempub. conclamastis. Hoc vestro iudicio tan-  
 to, tamq; præclaro excitatus, ita Calendis Ian.  
 Veni in Senatum: ut meminissem quam perso-  
 nam impositam à vobis sustinerem. Itaque bel-  
 lum nefarium illatum Reipub. cum viderem;  
 nullam moram interponendam insequendi M.  
 Antonium putavi: hominemq; audacissimum,  
 qui multis nefarijs rebus ante commissis, hoc  
 tempore Imperatorem populi Ro. oppugnaret:  
 coloniam vestram fidissimam, fortissimamq;  
 obsideret: bello censui persequendum. tumult-  
 um esse decerni, iusticiam edici, saga sumi, di-  
 xi placere: quo omnes acrius, grauiusq; incum-  
 berent ad vlciscendas Reipub. iniurias: si om-  
 nia grauissimi belli insignia suscepta à Senatu  
 viderent. Itaq; hæc sententia sic per triduum  
 valuit: ut quanquam discessio facta non esset:  
 tamen præter paucos, omnes mihi assensuri vi-  
 derentur. hodierno autem die nescio qua obie-  
 cta re remissior Senatus fuit. nam plures eam  
 sententiam secuti sunt: ut quantum Senatus  
 aucto.*

## S E X T A.

auctoritas, vesterq; consensus apud Antonium  
 valiturus esset, per Legatos experiremur. In-  
 telligo Quir. à vobis hanc sententiam repudia-  
 ri, neq; iniuria. ad quem enim legatos? ad eum  
 ne? qui pecunia publica dissipata atq; effusa,  
 per vim, & contra auspicia impositis populo  
 Ro. legibus fugata concione, obsessio Senatu, ad  
 opprimendam Remp. Brundusio legiones accer-  
 siverit: ab his relictus, cum latronum manu in  
 Galliam irruerit: Brutum oppugnet: Muti-  
 nam circumsecat? quæ vobis potest cum hoc  
 gladiatore conditionis, æquitatis, legationis, esse  
 communitas? quanquam Quir. non est illa le-  
 gatio: sed denunciatio belli, nisi paruerit. Ita  
 enim est decretum: ut si legati ad Annibalem  
 mitterentur. mittuntur enim qui nuncient ne  
 oppugnent Consulem designatum: ne Mutinam  
 obsideat: ne provinciam depopuletur: ne dele-  
 ctus habeat: sit in Senatus populiq; Ro. potestas  
 te. facile vero huic denunciationi parebit? ut  
 in Patrum Conscriptorum atq; in vestra pote-  
 state sit: qui in sua nunquam fuerit? quid enim  
 ille unquam arbitrio suo fecit? semper eo tra-  
 ctus: quo libido rapuit, quo leuitas quo fur-  
 or, quo vinolentia. semper eum duo dissimili-  
 ma genera lenonum, & latronum ita domesticis  
 stupris, ferensibus parricidijs delectarunt: ut  
 mulier

PHILIPPICA

mulieri citius auarissima paruerit: quam Se-  
 natui populoq; Romano itaq; quod paulo ante  
 feci in Senatu. faciam apud vos testificor: de-  
 nuncio ante praedico: nihil M. Antonium eo-  
 rum, quae sunt legatis mandata, facturum: va-  
 staturum agros: Mutinam obsessurum: dele-  
 ctus, qua possit, habiturum. is est enim ille: qui  
 semper Senatus iudicium, et auctoritatem,  
 semper voluntatem vestram, potestatemq; con-  
 tempserit. an ille id faciat, quod paulo ante de-  
 cretum est? ut exercitum citra flumen Rubi-  
 conem, qui finis est Galliae, educeret? dum ne  
 propius urbem Romam CC. mil. admoueret?  
 huic denunciationi ille pareat? ille se fluuio  
 Rubicone CC. mil. circumscriptum esse patias-  
 tur? non is est Antonius. nam si esset, non com-  
 misisset, ut ei Senatus tanquam Annibali ini-  
 tio belli Punici denunciar et ne oppugnaret Sa-  
 guntum. Quod vero ita auocatur a Mutina: ut  
 ab vrbe tanquam pestifera flamma arceatur:  
 quam habet ignominiam? quod iudicium Sena-  
 tus? quid? quod a Senatu dentur mandata le-  
 gatis? ut D. Brutum, militesq; eius adeant:  
 hisq; demonstrant suam Remp. merita, benefi-  
 ciaq; eorum grata esse Senatu populoq; Roma-  
 no: hisq; eam rem magna laudi, magnoq; hono-  
 ri fore? passurum ne censetis Antonium in-  
 troire



## S E X T A.

ire Mutinam legatos? exire inde tuto? nun-  
 quam patietur, mihi credite, noui violentiam:  
 noui impudentiam? noui audaciam. Nec ve-  
 ro de illo sicut de homine aliquo debemus, sed  
 ut de importunissima belua cogitare. Quæ cum  
 ita sint: non omnino dissolutum est: quod de-  
 creuit Senatus, habet atrocitatis aliquid lega-  
 tio, utinam nihil haberet moræ. nam cum ple-  
 risq; in rebus gerendis tarditas, & procrastina-  
 tio odiosa est: tum hoc bellum indiget celerita-  
 tis, succurrendum est D. Bruto: omnes undiq;  
 copiarum colligendæ: horam exhibere nullam in  
 tali ciue liberando sine scelere non possumus. an  
 ille non potuit, si Antonium consulem, si Galli-  
 am Antonij prouinciam iudicasset: legiones  
 Antonio & prouinciam tradere? domum redi-  
 re? triumphare? primus in hoc ordine esse:  
 quoad magistratum iniret? quid negocij fuit?  
 sed cum se Brutum esse meminisset, vestrarq; li-  
 bertati natum: quid egit aliud? nisi ut penè  
 corpore suo Gallia prohiberet Antonium? Ad  
 hunc utrum legatos? an legiones ire oportebat?  
 Sed præterita omittamus, properent, quod via  
 deo esse facturos, vos saga parate, est enim ita  
 decretum: ut, si ille authoritati senatus non  
 paruisset: ad saga iretur, ibitur: non parebit,  
 vos amissos tot dies rei gerendæ queremur.

Non

PHILIPPICA

Non metuo Quir. ne cum audierit Antonius, me hoc in senatu, & in concione confirmasse, nunquam illum futurum in senatus potestate: refellendi mei causa, ut ego nihil vidisse videar: vertat se: senatui pareat. nunquam faciet: non inuidebit huic meae gloriae: mâlet me sapientem à vobis, quàm se modestum existimari. quid? ipse si velit: num etiam L. fratrem passurum arbitramur? nuper quidem dicitur ad Tibur, ut opinor, cum ei labare M. Antonius videretur: mortem fratri esse minitatus. Etiam ne ab hoc Myrmillone Asiatico senatus mandata, legatorum verba audientur? nec enim secerri à fratre poterit, tanta praesertim auctoritate. nam hic inter illos Africanus est: pluris habetur quàm L. Trebellius: pluris quàm T. Plancius adolescens nobilis: qui omnibus sententijs maximo vestro plausu condemnatus, nescio quomodo se coniecit in urbem: atq; ita mœstus redijt: ut retraheretur, non reuersus videretur, sic contemnit: tanquam si illi aqua & igni interdictum sit. aliquando negat ei locum esse oportere in curia: qui incenderit curiam. Nam Trebellium valde iam diligit: oderat tum, cum ille tabulis novis aduersabatur, iam fert in oculis: postquam ipsum Trebellium vidit sine tabulis novis saluum

uum

## S E X T A

uum esse non posse. audisse enim vos arbitror  
 Quirites quod etiam videre potuistis, quotidie  
 sponsores, & creditores L. Trebellij conuenire.  
 O fides (hinc enim puto Trebellium sumpsisse  
 cognomen) quæ potest esse maior fides? quàm  
 fraudare creditores? domo profugere? propter  
 æs alienum venire ad arma? ubi plausus ille  
 in triumpho est spe ludi? ubi ædilitas delata  
 summo studio bonorum? quis est? qui hunc  
 non casu existimet recte fecisse? nequitia est:  
 scelus est. Sed redeo ad amores, deliciasq;  
 nostras L. Antonium: qui vos omnes in fi-  
 dem suam recepit. negatus? num quisquam est  
 vestrum: qui tribum non habeat; certè nemo.  
 at qui illum quinq; & triginta tribus patronum  
 adoptarunt. rursus reclamatis. aspiciate à sini-  
 stra illam æquestrem statuam inauratam, in qua  
 quid scriptum est? quinq; & triginta tribus  
 patrono populi Romani. igitur est patronus  
 L. Antonius. malam quidem illi pestem. cla-  
 mori enim vestro assentior. non modo hic latro,  
 quem clientem habere nemo velit: sed quis  
 vnquam tantis opibus. tantis rebus gestis fuit?  
 qui se populi Romani victoris, aominiq; o-  
 mnium gentium tutorem dicere auderet?  
 In foro L. Antonij statuam videmus: sicut  
 illam Q. Trebellij qui Hernicos deuicit,

B

ante

PHILIPPICA

ante Castoris. O impudentiam incredibilem.  
 tantum ne sibi sumpsit? quia Trallibus Myra  
 millionem Thracem iugulauit familiarem su-  
 um? quonam modo istum ferre possemus? si  
 in hoc foro spectantibus vobis depugnasset?  
 Sed hæc vna statua. at altera ab equitibus R.  
 equo publico: qui item ascribunt, patrono.  
 quem vnquam iste ordo patronum adoptauit?  
 si quenquam: debuit me. sed me omitto: quem  
 censorem? quem imperatorem? agrum his dis-  
 iussit. O sordidos, qui acceperunt: impro-  
 bum, qui dederit. statuerunt etiam Tribuni  
 militares, qui in exercitu Caesaris duobus  
 fuerunt? Quis est iste ordo? multi fue-  
 runt multis in legionibus per tot annos: his  
 quoque diuisit Semurium. campus Martius  
 restabat: nisi prius cum fratre fugisset. Sed  
 hac agrorum assignatio paulò ante Quirites  
 L. Caesaris clarissimi viri & præstantissimi  
 Senatoris sententia dissoluta est. huic enim  
 offensi, septemuirum acta sustulimus. Iacent  
 beneficia Nuculæ; friget patronus Antonius.  
 nam posse. Fores animo æquiore discedent: nullo  
 lam impensam fecerant: nondum instruxerunt:  
 partim quia non confidebant: partim quia non  
 habebant. Sed illa statua palmaris: de qua, si  
 meliora tempora essent, non possem sine risu  
 dicere:

S E X T A.

*Dicere: L. Antonio, Iani mediij patrono. itane? Ianus medius in L. Antonij clientelij sit? quis unquam in illo Iano inuentus est? qui L. Antonio mille nummum ferret expensum? sed nimis multa de nugis. ad causam bellumq; redeamus. quanquam non alienum fuit personas quasdam à vobis recognosci: vt quibus cum bellum gereretur possitis taciti cogitare. Ego autem vos hortor Quirites, vt, etiam si melius aliud fuit: tamen legatorum reditum expectetis animo æquo. celeritas detracta de causa est: boni tamen aliquid accessit ad causam. cum enim legati renunciarint, quod certe renunciabunt: non in vestra potestate, non in Senatus esse Antonium, quis erit tam improbus ciuis? qui illum ciuem habendum putet? nunc enim sunt pauci illi quidem: sed tamen plures quam Rep. dignum est, qui ita loquantur: ne legatos quidem expectabimus? istam certe vocem simulationemq; clementiæ, extorquebit his res ipsa publica. quo etiam, vt confitear vobis Quir. minus hodierno die contendi, minus laborauit vt mihi Senatus assentiens tumultum decerneret: saga sumi iuberet. malui viginti diebus post sententiã meam laudari ab omnibus quam à paucis hodie vituperari. Quapropter Quir. expectate legatorum reditum: & paucorum dierum*

B 2

mole

PHILIPPICA

*molestiam deuorate. qui cum redierint: si pa-*  
*cem afferent, cupidum me: si bellum, prou-*  
*idum indicatote. An ego non prouideam meis*  
*ciuibus non dies noctesq; de vestra libertate,*  
*de Reip. salute cogitem? quid enim non debeo*  
*vobis Quirites? quem vos hominem a se ora-*  
*tum, hominibus nobilissimis omnibus honori-*  
*bus prætulistis? an ingratus sum? quis minus?*  
*qui partis honoribus, eosdem gessi in foro la-*  
*bores, quos in petendis, rudis in Republica?*  
*quis exercitator? qui viginti iam annos bel-*  
*lum geram cum improbis ciuibus? quamobrem*  
*Quirites consilio quantum poterò, labore plus*  
*penè, quàm poterò excubabo, vigilaboq; pro*  
*vobis. etenim quis est ciuis, præsertim hoc*  
*gradu, quo me vos esse voluistis: tam oblitus*  
*beneficij vestri? tam immemor patriæ? tam*  
*inimicus dignitati suæ? quem non excitet, non*  
*inflammet tantus vester iste consensus? mul-*  
*tas, magnasq; habui Consul conciones: multis*  
*interfui: nullam vnquam vidi tantam: quan-*  
*ta nunc vestra est. vnum sentitis omnes:*  
*vnum studetis: M. Antonij conatus auer-*  
*tere à Republica: furorem extinguere: op-*  
*primere audacia. idem volunt omnes ordines:*  
*eodem incumbunt municipia, Colonia, cuncta*  
*Italia. Itaq; Senatum sua sponte benè firmum,*  
*firmio*

S E X T A.

firmiorem vestra auctoritate fecistis. venit  
tempus Quirites serius omnino. quàm dignum  
populo Romano fuit: sed tamen ita maturum  
ut differri iam hora non possit. fuit aliquis  
fatalis casus, ut ita dicam, quem tulimus. quo  
quo modo ferendus fuit. nunc si quis erit: erit  
voluntarius: popu. Rom. seruire fas non est  
quem dii immortales omnibus gentibus impe-  
rare voluerunt. res in extremum est adducta  
discrimen: de libertate decernitur: aut vin-  
catis oportet Quirites: quod profecto & pie-  
tate vestra, & tanta concordia consequemini:  
aut quiduis potius, quàm seruiatis. aliæ na-  
tiones seruitutem pati possunt: po-  
puli Romani est propria  
libertas.



B 3 IN

PHILIPPICA  
IN M. ANTONI  
VM PHILIPPICA  
SEPTIMA.



*Arvis de rebus, sed fortasse ne-  
cessarijs, consulimur Patres  
Conscripti: de Appia via & de  
moneta, Consul: de Lupertis  
Tribuni pl. referunt. quarum  
rerum & si facilis explicatio videtur: tamen  
animus aberrat à sententia, suspensus curis  
maioribus. adducta est enim P. C. res in maxi-  
mum periculum, & extremum penè discrimen.  
non sine causa legatorum istam missionem sem-  
per timui: nunquam probavi: quorum reditus  
quid sit allaturus, ignoro expectatio quidem  
quantum offerat languoris animis, quis non vi-  
det? non enim se tenent ij, qui Senatum dolens  
ad authoritatis pristinae spem reuiuiscere: con-  
iunctum huic ordini populum Romanum: con-  
spirantem Italiam: paratos exercitus: expedi-  
tos duces. iam nunc fingunt Antonij responsa:  
eademq; defendunt, alij postulare illum: ut o-  
mnes exercitus dimittantur. scilicet Legatos  
ad eum misimus? non ut pareret, & dicto au-  
diens esset huic ordini: sed ut conditiones fer-  
ret,*



S E P T I M A.

ret, leges imponeret, reserare nos exteris gentibus Italiam iuberet: se praesertim incolumi: a quo maius periculum, quam ab vltis nationibus extimescendum est, alij remittere eum nobis Galliam citeriorem: illam vltimam postulare, praecclare, ex qua non legiones solum, sed etiam nationes ad urbem conetur adducere. alij nihil eum iam nisi modesti postulare. Macedonia suam vocat omnino: quoniam C. frater est inde reuocatus. Sed quae provincia est? ex qua illa fax excitare non posset incendium? Itaq; iidem quasi prouidi ciues, et Senatores diligentes, bellicum me cecidisse dicunt. suscipiunt partis patrocinium. qui sic disputant. irritari Antonium non oportuit, nequam est homo ille, atq; confidens. multi praeterea improbi, quos quidem a se primum numerare possunt. qui haec loquuntur. eos esse cauendos denunciant. Vtrum igitur in nefarijs ciuibus vlciscendis, cum possis, an pertimescendis diligentior causa est? atq; haec illi loquuntur: qui quondam propter leuitatem populares habebantur. Ex quo intelligi potest: animo illos abhorruisse semper ab optimo ciuitatis statu: non voluntate fuisse populares. qui enim conuenit? ut qui in rebus improbis populares fuerint: iidem in re vna maxime populari, quod eadem

B 4

saluta

PHILIPPICA

salutaris populo Romani sit, improbos se,  
 quam populares esse malint? me quidem  
 semper, ut scitis, aduersatum multitudi-  
 nis temeritati, hæc fecit præclarissima causa  
 popularem. & quidem dicuntur, vel potius  
 iidem ipsi se dicunt Consulares. quo nomine  
 dignus est nemo: nisi qui tanti honoris no-  
 men potest sustinere. faueas tu hosti? literas  
 tibi ille mittat de sua spe rerum secundarum  
 suarum? eas tu lætus proferas? recites? de-  
 scribendas etiam des improbis ciuibus? eorum  
 augeas animos? bonorum spem, virtutemque  
 debilites? & te Consularem, aut Senatorem,  
 aut denique ciuem? accipiet in optimam partem  
 C. Panfa fortissimus Consul, atque optimus:  
 etenim dicam animo amicissimo: hunc ipsum  
 mihi hominem familiarissimum, nisi talis Con-  
 sul esset: ut omnes vigilias, curas, cogitatio-  
 nes: in Reipub. salute configeret: Consulem  
 non putarem. quanquam nos ab ineunte ætate  
 illius usus, consuetudo, studiorum etiam hone-  
 stissimorum societas, similitudoque coniunxerit  
 eius denique curam incredibilem in asperrimis  
 belli ciuilibus periculis perspexi non modo salu-  
 tis, sed etiam dignitatis meæ: tamen eundem,  
 ut dixi: nisi talis Consul esset, negare esse Con-  
 sulem auderem. idem non modo Consulem esse  
 dico:

S E P T I M A .

dico: sed etiam memoria mea præstantissimum  
 atq; optimum Consulem. non quia non par vir-  
 tute, & voluntate alij fuerint: sed tantam  
 causam non habuerunt: in qua & virtutem,  
 & voluntatem suam declararent. Huius  
 magnitudini animi, grauitati, sapientiæ tem-  
 pestas est oblata formidolosissimi temporis,  
 tum autem illustratur Consulatus: cum guber-  
 nat Rempub. si non optabili, at necessario tem-  
 pore. magis autem necessarium P. C. nullum  
 tempus vnquam fuit. Itaq; ego ille, qui sem-  
 per author pacis fui: cuique pax, præsertim ci-  
 uilis, quanquam omnibus bonis, mihi tamen  
 imprimis fuit optabilis. omne enim curriculum  
 industriæ nostræ in foro, in curia, in amicorum  
 periculis propulsandis elaboratum est: hinc ho-  
 nores amplissimos, hinc mediocres opes, hinc  
 dignitatem, si quem habemus, consecuti sumus:  
 ego itaq; pacis, vt ita dicam, alumnus, qui  
 quantuscunq; sum (nihil enim mihi arrogo) sine  
 pace ciuili certe non fuisset: periculose dico:  
 quemadmodum accepturi P. C. sitis horreo:  
 sed pro mea perpetua cupiditate vestræ digni-  
 tatis retinendæ, & augendæ, quaeso oroq; vos,  
 P. C. vt primo si erit vel acerbum auditu, vel  
 incredibile à M. Cicerone esse dictum: accepia-  
 tis sine offensione, quod dixerò: neue id prius,

B 5

quàm

PHILIPPICA

quàm quale sit explicauero, repudietis. ego ille  
 (dicam sepius) pacis semper laudator, semper  
 author. pacem cum M. Antonio esse nolo. ma-  
 gna spe ingredior in reliquam orationem P. C.  
 quoniam periculosissimum locum silentio sum  
 prateruectus. cur igitur pacem nolo? quia tur-  
 pis est: quia periculosa: quia esse non potest.  
 quæ tria dum explico: peto à vobis P. C. ut  
 eadem benignitate, qua soletis, verba mea au-  
 diatis. Quid est inconstantia, mobilitate, leui-  
 tate, cum singulis hominibus, tum vero vni-  
 uerso Senatui, turpius? quid porrò inconstan-  
 tius? quàm quem modo hostem non verbo, sed  
 re multis decretis iudicauistis: cum hoc pace  
 velle subito coniungi? quasi vero, cum C. Cæ-  
 sari, meritos quidem illi honores, & debitos, sed  
 tamen immortales, & singulares decreuistis, vo-  
 nam ob causam, quod contra M. Antonium ex-  
 ercitus comparauisset: non hostem Antonium  
 iudicaueritis? nec tum hostis est à vobis iudi-  
 catus Antonius: cum laudati sunt auctoritate  
 vestra veterani milites: qui Cæsarem secuti  
 essent? nec tum hostem Antonium iudicauistis:  
 cum fortissimis legionibus, quod illum, qui  
 Consul appellatur, cum esset hostis: reliquissent:  
 evacationes, pecunias, agros spopondistis? quid?  
 cum Brutum hominem quondam illius generis, et  
 nomi:

S E P T I M A.

hominis, natum ad Kemp. liberandam, exerci-  
 tumq; eius pro libertate populi Ro. bellum ge-  
 rentem cum Antonio, prouinciamq; fidelissimã,  
 atq; optimam Galliã laudibus amplissimis affe-  
 cistis: tum non hostem iudicastis Antoniũ? quid?  
 cum decreuistis vt Consul aliter, amboque ad bel-  
 lum proficiscerentur, quod erat bellum? si hostis  
 Antonius non erat? quo igitur profectus est vir  
 fortissimus meus Collega, et familiaris A. Hir-  
 cius? at qua imbecillitate? qua macie? sed ani-  
 mi vires, corporis infirmitas non retardauit. æ-  
 quum credo putauit, vitam, quam populi Rom.  
 votis retinisset: pro libertate populi Rom. in  
 discrimen adducere. quid? cum dilectus haberet  
 tota Italia iussistis: cum vacationes omnes sus-  
 tulistis, tum ille hostis non est iudicatus? ar-  
 morum officinas in vrbe videtis: milites cum  
 gladijs sequuntur: Consuli præsidio sunt: spe-  
 cie Consuli, re & veritate nobis: omnes sine  
 ulla recusatione, summo etiam cum studio no-  
 mina dant: parent authoritati vestræ: non est  
 iudicatus Antonius hostis? At Legatos mis-  
 mus. heu me miserum, cur Senatum cogor,  
 quem laudavi semper, reprehendere. quid?  
 vos censetis P. C. Legatorum missionem po-  
 pulum Rom. probauisse? non intelligitis, non  
 auditis, meam sententiam flagitari? cui cum  
 prædie

P H I L I P P I C A

pridie frequentes essetis assensi: postridie ad  
 spem estis inanem pacis deuoluti. quam tur-  
 pe porrò est legiones ad Senatum Legatos mit-  
 tere. Senatum ad Antonium? quanquam  
 illa Legatio non est: denunciatio est, paratum  
 illi exitium, nisi paruerit huic ordini. quid re-  
 fert? tamen opinio est grauior. missos enim  
 Legatos omnes vident: decreti vestri non  
 omnes verba nouerunt. retinenda est igitur  
 vobis constantia, grauitas, perseuerantia: re-  
 petenda est vetus illa seueritas: siquidem au-  
 thoritas Senatus, decus, honestatem, laudem,  
 dignitatem desiderat: quibus hic ordo nimium  
 caruit diu. sed erat tunc excusatio oppressis,  
 misera illa quidem, sed tamen iusta. nunc nulla  
 est. liberati tum regio dominatu videbatur.  
 armis domesticis ea ipsa depulimus. nunc qui-  
 dem vi extorquenda sunt. quod si non possu-  
 mus facere (dicam quod dignum est senatore  
 & Romano homine) moriamur. quanta illa  
 erit Reip. turpitude, quantum dedecus, quan-  
 ta labes? dicere in hoc ordine sententiam M.  
 Antonium Consulari loco? cuius vt omittam  
 innumerabilia scelera vrbanis consulatus? in  
 quo pecuniam publicam maximam dissipauit:  
 exules sine lege restituit: vectigalia vendidit:  
 prouincias de populi Romani imperio sustulit:  
 regna

SEPTIMA.

regna addixit pecunia: leges ciuitati per vim  
 imposuit: armis obsedit, aut exclusit Senatum:  
 ut hæc inquam omittam: ne hoc quidem cogitatis:  
 eum, qui Mutinam Coloniam populi Rom. & Consulem designatum obsederit, depopulatos agros sit: hunc in eum ordinem recipi:  
 à quo totiens ob has ipsas causas hostis iudicatus sit, quàm fœdum, flagitiosumq; sit, videtis.  
 Satis multa de turpitudine. Dicam deinceps, quod proposui, de periculo: quod si minus est fugiendum, quàm turpitudine: tamen offendit animos maioris partis hominum magis.  
 Poteritis igitur exploratam habere pacem: cum in ciuitate Antonium videatis? vel potius Antonios? nisi forte contemnitis Lucium, ego ne Caium quidem, sed ut video dominabitur Lucius. est enim patronus XXXV. tribuum: quarum sua lege, qua cum C. Cesare magistratum sortitus est, suffragium sustulit, patronus Centuriarum equitum: quas idem sine suffragio esse voluit, patronus fori: in quo ei tribuni militares statuam statuerunt, patronus Iani mediij. O dii quis huius potentiam poterit sustinere? præsertim cū eosdem in agros etiam deduxerit? quis unquam omnes tribus? quis equites Romanos? quis Tribunos militares? Gracchorum  
 potentia

PHILIPPICA

potentiam maiorem fuisse arbitramini? quã  
 huius gladiatoris futura sit? quem gladiator  
 rem non ita appellavi: ut interdum etiam M.  
 Antonius gladiator appellari solet: sed ut  
 appellant ij, qui planè, & latine loquuntur.  
 Myrmillo in Asia depugnauit: cum ornasset  
 Thræcidicis comitem & familiarem suum:  
 illum miserum fugientem iugulauit. Luculenta  
 tamen tamen ipse plagam accepit ut declarat cic  
 catrix, qui familiarem iugularat: quid hic  
 occasione data faciet inimico? & qui illud ani  
 mi causa fecerit: hunc prædæ causa quid fa  
 cturum putatis? non rursus improbos decu  
 riabit? non sollicitabit rursus agrarios? non  
 quæret expulsos? M. verò Antonius non is  
 erit? ad quem omni motu concursus fiat ci  
 uium perditorum? ut nemo sit alius, nisi ij,  
 qui vnà sunt: & ij, qui hic ei nunc aperte  
 fauent: parum ne erunt multi? præsertim  
 cum bonorum præsidia cesserint: illi parati sint  
 ad nutum futuri. ego vero metuo, si hoc tem  
 pore consilio lapsi erimus: ne illi breui tempore  
 nimis multi nobis esse videantur. Nec  
 ego pacem nolo: sed pacis nomine bellum inuo  
 lutum reformido. quare si pace frui volumus:  
 bellum gerendum est. si bellum omitemus:  
 pace nunquam fruemur. est autem nostri  
 consilij



## S E P T I M A.

consilij Patres conscripti in posterum quam lon-  
 gissime providere. iccirco in hac custodia tan-  
 quam in specula collocati sumus: ut vacuum  
 metu populum Romanum nostra vigilia, &  
 providentia redderemus. turpe est summo  
 consilio orbis terræ, præsertim in re tam per-  
 spicua, consilium intelligendi defuisse. Eos  
 Consules habemus: eam populi Romani ala-  
 critatem: eum consensum Italiæ: eos duces:  
 eos exercitus: ut nullam calamitatem Rea-  
 publica accipere possit, sine culpa Senatus.  
 Equidem non deero: monebo: prædicabo: des-  
 nunciabo: & testabor semper Deos, homi-  
 nesq;, quid sentiam: nec solum fidem meam,  
 quod fortasse videtur satis esse: sed in prin-  
 cipe ciue non satis est: turam, consilium, vigi-  
 lantiamq; præstabo. Dixi de periculo. docebo  
 ne coagmentari quidem posse pacem. de tribus  
 enim quæ proposui, hoc extremum est. Quæ  
 potest esse pax M. Antonio primum cum Sen-  
 natu? quo ore ille vos poterit? quibus illum  
 vicissim vos oculis intueri? qui vestrum illum?  
 quem ille vestrum non oderit? age, vos ille so-  
 lum, & vos illum. quid ij, qui Mutinam cir-  
 cumsedent? qui in Gallia delectus habent?  
 qui in nostras fortunas imminent? amici  
 vobis nunquam erunt? aut nos illis? an  
 equites

PHILIPPICA

equites Rom. amplectetur? occulta enim fuit  
 eorum voluntas, iudiciumq; de M. Antonio?  
 qui frequentissimi in gradibus Concordiæ stete-  
 runt: qui vos ad libertatem recuperandam in-  
 citauerant: arma, saga, bellum flagitauerunt:  
 me una cum populo Rom. in concionem voca-  
 uerunt. hi Antonium diligunt? cum his pacem  
 seruabit Antonius? Nam quid ego de vniuerso  
 populo Rom. dicam? qui pleno, ac referto  
 foro, bis me una mente atq; voce in concionem  
 vocauit, declarauitq; maximam libertatis recu-  
 perandæ cupiditatem. Itaque quod erat opta-  
 bile antea, vt populum Rom. comitem habere-  
 mus: nunc habemus ducem. quæ est igitur spes,  
 qui Mutinam circumsedent imperatorem popu-  
 li Rom. exercitumq; oppugnantes, pacem cum  
 populo Rom. habere posse? An cum Munici-  
 pijs pax erit? quorum tanta studia cognoscun-  
 tur in decretis faciendis, militibus dandis, pe-  
 cunijs pollicendis: vt in singulis oppidis curiam  
 populi Rom. non desideretis. Laudandi sunt  
 ex huius ordinis sententia Firmiani: qui prin-  
 cipes pecuniæ pollicendæ fuerunt, responden-  
 dum honorifice est Marrucinis: qui ignominia  
 notandos censuerunt eos: qui militiam subter-  
 fugissent. hæc iam tota Italia fiunt. magna pax  
 Antonio cum eisdem? his cum illo? quæ po-  
 test

S E P T I M A .

uest maior esse discordia? in discordia autem  
 pax ciuilis esse ullo pacto potest? ut mittam  
 multitudinem: L. Nasidio equiti Rom. ho-  
 mini in primis ornato, atq; honesto, ciuiq; semper  
 egregio, cuius ego excubias & custodias mei  
 capitis cognoui in consulatu meo: qui vicinos  
 suos, non cohortatus est solum, ut milites fie-  
 rent: sed etiam facultatibus suis subleuauit:  
 huic inquam tali viro, quem nos Senatuscon-  
 sulto collaudauimus: poterit ne esse pacatus  
 Antonius? quid Casari? qui illum urbe, quid  
 D. Bruto? qui Gallia prohibuit? Iam vero i-  
 pse se placabit, & leniet prouincia Gallia: &  
 qua exclusus & repudiatus est? omnia vide-  
 bitis P. C. nisi prospicitis, plena odiorum: ple-  
 na discordiarum: ex quibus oriuntur bella ci-  
 uilia. nolite igitur velle, quod fieri non potest:  
 & caute per deos immortales P. C. ne spe praes-  
 entis pacis, perpetuam pacem amittatis. Quor-  
 sum haec omnis spectat oratio? quid enim Le-  
 gati egerint nondum scimus. at vero erecti, ex-  
 citati, parati, armati animis iam esse debemus:  
 ne blanda, aut supplici oratione, aut aequita-  
 tis simulatione fallamur. omnia fecerit oportet,  
 quae interdicta, & denunciata sunt prius, quam  
 aliquid postulet: Brutum exercitumq; eius op-  
 pugnare, vrbes & agros prouincia Galliae po-

C

pulari



PHILIPPICA

pulari destiterit. ad Brutum adeundi Legatis  
 potestatem fecerit : exercitura citra flumen  
 Rubiconem eduxerit : nec propius urbem mil-  
 lia passuum ducenta admouerit : fuerit in Se-  
 natus populiq; Rom. potestate. hac si fecerit :  
 erit integra potestas nobis deliberandi. si Sena-  
 tui non paruerit : non illi Senatus. sed ille po-  
 pulo Rom. bellum indixerit. Sed vos moneo  
 P. C. libertas agitur populi Ro. quæ est com-  
 mendata vobis : vita & fortuna optimi cui-  
 usq; : quo cupiditatem infinitam cum immani  
 crudelitate iam pridem intendit Antonius : au-  
 thoritas vestra, quam nullam habebitis : nisi  
 nunc retinueritis. terram & pestiferam belu-  
 am. ne inclusam, & constrictam dimittatis ca-  
 uete. te ipsum moneo Pansa (quanquam non  
 eges consilio, quo vales plurimum : tamen &  
 summi gubernatores in magnis tempestatibus &  
 vectoribus admoneri solent) hunc tuum tan-  
 tum apparatus, tamq; præclarum, ne ad nihilo-  
 lum recidere patiare. tempus habes tale quale  
 nemo habuit vnquam : hac grauitate Senatus,  
 hoc studio equestris ordinis, hoc ardore po-  
 puli Ro. potes in perpetuum metu &  
 periculo Remp. liberare.

IN

IN M. ANTONI-  
VM PHILIPPICA  
NONA.



Ellem di immortales fecissent  
P. C. ut viuo potius Ser. Sulpitio gratias ageremus, quam  
mortuo honores quæreremus.  
nec vero dubito, quin si ille vir renunciare legationem potuisset, reditus eius & nobis gratus fuerit, & Reipub. salutaris futurus. non quod L. Philippo, & L. Pisoni aut studium, aut cura defuerit in tanto officio, tantoq; munere: sed cum Seruius Sulpitius ætate illis anteciret, sapientia omnibus, subito ereptus totam Legationem orbam, & debilitatam reliquit. quod si cuiquam iustus honos habitus est in morte Legato, in nullo iustior quam in Seruio Sulpitio reperietur. cæteri, qui in Legatione mortem obierunt, ad incertum vitæ periculum, sine ullo mortis metu profecti sunt: Seruius Sulpitius cum aliqua perueniendi ad M. Antonium spe profectus est, nulla reuertendi. qui cum ita affectus esset, ut si ad grauem valetudinem labor vitæ accessisset, sibi ipse diffideret.

PHILIPPICA

deret, non recusavit, quo minus vel in extremo spiritu, si quam opem Reipub. afferre posset, experiretur. itaq; non illum vis hyemis, non nives, non longitudo itineris, non asperitas viarum, non morbus ingrauescens retardavit: cumq; iam ad congressum, colloquiumq; eius pervenisset, ad quem erat missus, in ipsa cura, & meditatione obeundi sui muneris excessit à vita. Ut igitur alia, sic hoc Pansa præclare, quod nos ad ornandum Ser. Sulpitium cohortatus es: & ipse multa copiose de illius laude dixisti. quibus à te dictis nihil præter sententiam dicerem, nisi P. Servilio respondendum putarem, qui hunc honorem statuæ nemini tribuendum censuit, nisi qui ferro esset in legatione interfectus. Ego autem P. C. sic interpretor sensisse maiores nostros, ut causam mortis censuerint, non genus esse querendum. etenim cui Legatio ipsa mortis causa fuisset, eius monumentum extare voluerunt: ut in bellis periculosis obirent homines Legationis munus audacius non igitur exempla maiorum querenda, sed consilium est eorum, à quo ipsa exempla nata sunt, explicandum. Lartēs Tolumnius, Rex Veientum quatuor Legatos populi Ro. Fidenis interemit. quorum statuæ in rostris steterunt usq; ad nostram memoriam.

moriam. iustus honos. his enim maiores nostri,  
 qui ob Remp. mortem obierant, pro breui vita  
 diuturnam memoriam reddiderunt. Cn. Octauij  
 clari & magni viri, qui primus in eam fami-  
 liam, quæ postea viris fortissimis floruit, at-  
 tulit Consulatum, statuam videmus in rostris.  
 nemo enim tum nouitati inuidebat, nemo viri-  
 tutem non honorabat. at ea fuit Legatio Octa-  
 uij, in qua periculi suspicio non subesset. nam  
 cum esset missus à Senatu ad animos Regum  
 perspiciendos, liberorumq; populorum, maxi-  
 meq;, vt nepotem Antiochi Regis, qui cum  
 maioribus nostris bellum gesserat, classes ha-  
 bere, elephantos alere prohiberet, Laodiceæ in  
 gymnasio à quodam Leptine est interfectus,  
 reddita est ei tum à maioribus statua pro vita,  
 quæ multos per annos progeniem eius honesta-  
 ret, nunc ad tantæ familiæ memoriam sola re-  
 staret. atq; & huic, & Tullio Cluio, & L.  
 Roscio, & Sp. Antio, & C. Fulcinio, qui à  
 Veientium Rege cæsi sunt, non sanguis, qui  
 profusus est in morte, sed ipsa mors ob Remp.  
 habita, honori fuit. itaq; P. C. si Ser. Sulpitio  
 casus mortem attulisset, dolerem equidem tan-  
 to Reipub. vulnere, mortem vero eius non  
 monumentis, sed luctu publico esse honorandam  
 putarem. nunc autem quis dubitat, quin ei

P H I L I P P I C A

*vitam abstulerit ipsa Legatio? secum enim ille  
 mortem extulit, quam, si nobiscum remansisset,  
 sua cura, optimi filij, fidelissimeq; coniugis di-  
 ligentia vitare potuisset. At ille, cum videret  
 si vestrae auctoritati non paruisset, dissimila-  
 tem se futurum sui, si paruisset, munus sibi it-  
 lud pro Repub. susceptum vitæ finem allaturum,  
 maluit in maximo populi Rom. discrimine  
 mori, quam minus quam potuisset, videri  
 Reipub. profuisse. multis illi in urbibus, qua-  
 iter faciebat, reficiendi se, & curandi potestas  
 fuit: aderat & hospitem inuitatio liberalis,  
 pro dignitate summi viri: & eorum hortatio,  
 qui vnâ erant missi, ad requiescendum, & vi-  
 tæ suæ consulendum. at ille properans, festi-  
 nansq;, mandata nostra conficere cupiens, in  
 hac constantia morbo aduersante perseueravit.  
 cuius cum aduentu maxime perturbatus esset  
 Antonius, quod ea, quæ sibi iussu nostro de-  
 nunciarentur, auctoritate erant & sententia  
 Seruij Sulpitij constituta, declarauit quam odis-  
 set Senatum, cum authorem Senatus extinctum,  
 lætè, atq; insolenter tulit. non igitur magis  
 Octauium Leptines, nec Veientium Rex eos  
 quos modò nominaui, quam Ser. Sulpitium oc-  
 cidit Antonius. is enim profectò mortem attu-  
 lit, qui causa mortis fuit. quocirca ad posteris-  
 tatis*



tatis etiam memoriam pertinere arbitror, extare quod fuerit de hoc bello iudicium Senatus. erit enim statua ipsa testis, bellum tam graue fuisse, vt Legati interitus honoris memoriam consecutus sit. Quod si excusationem Ser. Sulpitij P. C. Legationis obeundae recordari volueritis, nulla dubitatio relinquetur, quin honorem mortuo, cui iniuriam viuo fecimus, faciamus. vos enim P. C. (grauē dictus est, sed dicendum tamen) vos inquam Seru-um Sulpitium vita priuastis. quem cum videritis se magis morbo, quam oratione excusantem, non vos quidem crudeles fuistis (quid enim minus in hanc ordinem cōuenit?) sed cum speraretis nihil esse, quod non illius auctoritate, et sapientia effici posset, vebementius excusationi obstitistis: atq; eum, qui semper vestrum consensum grauißimum iudicauisset, de sententia deiecistis. vt vero Pansa, consulis accessit cohortatio grauior, quam aures Seruij Sulpitij ferre didicissent, tum filium, meq; seduxit, atq; ita locutus est, vt auctoritatem vestram vitæ se diceret anteferre. cuius nos virtutem admirati, non ausi sumus aduersari eius voluntati. monebatur singulari pietate filius: non multum perturbationi eius meus dolor concedebat. sed vterq; nostrum cedere cogebatur magnitu-

PHILIPPICA

divini animi, orationisq; gravitati: cum quidem  
 ille maxima laude, & gratulatione omnium  
 vestrum pollicitus est, se quod velletis, esse  
 facturum: neque eius sententiæ periculum vi-  
 taturum, cuius ipse author fuisset. quem ex-  
 qui mandata vestra properantem mane postria-  
 die profecuti sumus. qui quidem discedens me-  
 cum ita locutus est, ut eius oratio omen fati  
 videretur. Reddite igitur P. C. ei vitam,  
 cui ademistis. Vita enim mortuorum in memo-  
 ria vivorum est posita. perficite ut is, quem  
 vos ad mortem inscij misistis, immortalitatem  
 habeat à vobis. cui si statuam in rostris de-  
 creto vestro statueritis, nulla eius legationis  
 posteritatem inobscurabit obliuio. Nam re-  
 liqua Seruij Sulpitij vita multis erit præcla-  
 risq; monumentis ad omnem memoriam com-  
 mendata. semper illius gravitatem, constan-  
 tiam, fidem, præstantiam, in Repub. tuenda  
 curam, atq; prudentiam, omnium mortalium  
 fama celebrabit. nec vero silebitur admira-  
 bilis quædam, & incredibilis, & penè diuina  
 eius in legibus interpretandis, æquitate expli-  
 candis, scientia. omnes qui ex omni ætate hæc  
 in civitate intelligentiam iuris habuerunt, si  
 unum in locum conferantur, cum Ser. Sulpitio  
 non sunt comparandi. neq; enim ille magis iur-  
 riscone

risconsultus quàm iusticiæ fuit. Itaque quæ  
 proficiscebantur à legibus, & à iure civili, sem-  
 per ad facilitatem, æquitatemq; referebat.  
 neq; constituere litium actiones malebat, quàm  
 controuersias tollere. Ergo hoc statuæ mo-  
 numento non eget, habet alia maiora. hæc  
 enim statua mortis honestæ testis erit: illa  
 memoria vitæ gloriosæ. ut hoc magis monu-  
 mentum gratiæ Senatus, quàm clari viri fu-  
 turum sit. Multum etiam valuisse ad patris  
 honorem pietas filij videbitur: qui quanquam  
 afflictus luctu non adest, tamen sic animati esse  
 debetis, ut ille, si adesset, est enim ita affe-  
 ctus, ut nemo vnquam vnici filij mortem  
 magis doluerit, quàm ille mœret patris. equi-  
 dem etiam ad famam Ser. Sulpitij arbitror  
 attinere, ut videatur honorem debitum patri  
 præstitisse: quanquam nullum monumentum  
 clarius Seruius Sulpitius relinquere potuerit,  
 quàm effigiem morum suorum, virtutis, con-  
 stantiæ, pietatis, ingenij filium. cuius luctus  
 aut hoc honore vestro, aut nullo solatio leuari  
 potest. Mihi autem recordanti S. Sulpitij  
 multos in familiaritate nostra sermones, gra-  
 tior illi videtur, si quis est sensus in morte,  
 ænea statua futura, & ea pedestris magis,  
 quàm inaurata equestris, qualis L. Syllæ

PHILIPPICA

prima statua est. magnificè enim Seruius Sulpitius maiorum continentiam diligebat, huius seculi insolentiam vituperabat. ut igitur, si ipsum consulam quid velit, sic pedestrem ex ære statuam, tanquam ex eius auctoritate, & voluntate decerno. quæ quidem magnum civium dolorem, & desiderium honore monumenti minuet, & leniet. atq; hanc meam sententiam P. C. P. Seruiliij sententia probari necesse est, qui sepulchrum publicè decernendum Seruio Sulpitio censuit, statuam non censuit. Nam si mors legati sine cæde atq; ferro nullum honorem desiderat, cur decernit honorem sepulturæ, qui maximus haberi potest mortuo? Sin id tribuit Ser. Sulpitio quod non est datum Cn. Octavio, cur quod illi datum est, huic dandum esse non censet? maiores quidem nostri statuas multis decreuerunt: sepulchra paucis. sed statuæ intereunt tempestate, vi, vetustate: sepulchrorum autem sanctitas in ipso solo est, quod nulla vi moueri, neque deleri potest. atque ut cætera extinguuntur, sic sepulchra fiunt sanctiora vetustate. augeatur igitur isto etiam honore is vir, cui nullus honor tribui non debitus potest: grati sumus in eius morte decoranda, cui nullam aliam gratiam referre iam possumus: notetur etiam

etiam Antonij nefarium bellum gerentis sceles  
rata audacia. his enim honoribus habitis Ser-  
uio Sulpitio repudiata, reiectaq; Legationis  
ab Antonio manebit testificatio sempiterna.  
Quas ob res ita censeo. Cum Seruius Sulpitius  
us Quinti filius Lemonia Rufus difficillimo  
Reip. tempore, graui, periculososq; morbo affe-  
ctus: auctoritatem Senatus, salutemq; populis  
Rom. vitæ suæ præposuerit, contraq; vim gra-  
uitatemq; morbi, contenderit, ut ad castra  
Antonij, quò Senatus eum miserat perueniret:  
isq; cum iam propè castra venisset, vi morbi  
oppressus vitam amiserit in maximo Reip. mu-  
nere: eiusq; mors consentanea vitæ fuerit,  
sanctissimè, honestissimèq; acta: in qua sæpe  
magno vsui Reip. Ser. Sulpitius, & priuatus,  
& in magistratibus fuerit: cum talis vir, ob  
Rempub. in Legatione mortem obierit: senatus  
placere. Seruio Sulpitio statuam pedestrem æ-  
neam in rostris, ex huius ordinis sententia sta-  
tui: circumq; eam statuam locum gladiatorio-  
bus, ludisq; liberos, posterosq; eius, quaq; ver-  
sus pedes quinque habere, quod hic ob Rempub.  
mortem obierit: eamq; causam in basi inscribi:  
utiq; C. Pansa, A. Hircius Consules, alter, am-  
boue, si eis videbitur, quæstoribus urbis im-  
perent, ut eam basim, statuamq; faciendam, &

PHILIPPICA NONA.


in rostris statuendam locent: quantiꝫ locarint,  
 tantam pecuniam redemptori soluendam, attri-  
 buendamꝫ curent: cumꝫ antea Senatus autho-  
 ritatem in virorum fortium funeribus orna-  
 mentisꝫ ostenderit, placere eum quam am-  
 plissimè supremo die suo afferrì. et cum Serui-  
 us Sulpitius Q. F. Lemonia Rufus ita de Rep.  
 meritus sit, ut his ornamentis decorari debeat,  
 Senatum censere, atq; è Repub. existimare, Æ-  
 diles curules edictum, quod de funeribus ha-  
 beant, Sernij Sulpitij Q. F. Lemoniæ Rufi  
 funeri mittere: utique locum sepulchro in  
 Campo Esquilino C. Pansa Consul, seu quo alio  
 in loco videtur, pedes triginta quoq; versus  
 assignet, quo Seruius Sulpitius inferatur, quod  
 sepulchrum ipsius, liberorum, posterorumꝫ  
 eius sit: uti quod optimo iure sepul-  
 chrum publice da-  
 tum est.



















47528



47528  
X 200 1658

Millefolij  
Semperuiui  
Camadryos  
Centaurij  
Fragaria  
Tethrait  
Quinquefolij an. ꝥ iiij ꝑ.  
Rad: Maluanisci  
Cymini  
Myrti an. ꝥ iiij  
Fenigraci  
Vrtica  
Violarie  
Fol: Papaueris nigri  
Mentha Saracenicæ  
Mentha Crispa  
Polytrichi  
Lapatij  
Carduncelli  
Matrisyluæ  
Maturelle  
Herbæ muscatæ  
Alleluia  
unguæ ceruina  
Camphora

quod  
vnam  
tato no,  
posito  
vnguen  
paraturo  
potest,  
pellarione  
que recentia  
aut vsurpata  
ris seculo ple  
fuerint vsita  
ta opinionu  
fuit. Codic  
racum non  
marise, qu  
Herbam  
res omnes S  
esse persica  
Iosis, acrim  
in qua etia  
Cordus, &  
di eam se  
Ego tamen  
statuere non  
enim S. Maria  
quale




interos: et pulvis in  
is id sumatur quod per  
appis. id defuitur  
quod promittis: in  
inter mundum as magis  
regis ibi rēa fici sit  
corde ab i uera sit

inter mundum as magis  
sibi nūc sūt: sed an  
pro ipsi sū magis  
de rursū rēant.  
**Q**uoniam  
primis  
in clauso in i per








B.I.G.

Farbkarte #13

M. T. CICE-  
RONIS ORA-  
TIONVM PHILIP-  
PICARVM QVARTA,  
Sexta, Septima &  
Nona.



VVITEBERGÆ  
*Excudebat Clemens Schleich.*  
*M. D. LXXXVIII.*

